



## **ORDENANZA MUNICIPAL REGULADORA DA LICENZA POLA TENENCIA DE ANIMAIS POTENCIALMENTE PERIGOSOS, DO SEU REXISTRO, DO REXISTRO MUNICIPAL DE ANIMAIS DE COMPAÑÍA E DAS TAXAS POLA PRESTACIÓN DE TALES SERVIZOS**

### **EXPOSICIÓN DE MOTIVOS**

A Lei 50/1999, de 23 de decembro, dictada ao amparo do Artigo 149.1.29 da Constitución Española, que atribúe ao Estado as competencias en materia de seguridade pública, asigna no Artigo 3º aos Concellos a competencia para conceder a Licenza Administrativa que habilite para a tenencia de animais potencialmente perigosos.

Ademais, no seu Artigo 6, establece que en cada Concello existirá un Rexistro de animais potencialmente perigosos.

A Lei 1/1993, de 13 de abril, da Comunidade Autónoma de Galicia, de Protección de Animais Domésticos e Salvaxes en Catividade impón a súa vez aos Concellos a obriga de recollida dos animais abandonados e no Artigo 27 do Decreto 153/1998 que a desenrola obriga a censar a nivel municipal a tódolos animais da especie canina.

A Comunidade Autónoma de Galicia, desenvolve ambas Leis de forma harmónica, no Decreto 90/2002 é unha das competencias propias que se lle recoñecen no Artigo 3.2 da citada Lei 50/1999 en amparo do cal se aproba tamén esta Ordenanza.

En consecuencia, e de conformidade coas disposicións citadas, e ao amparo da Lei 7/1985, reguladora das Bases de Réxime Local, Lei 5/1997, de 22 de xullo, de Administración Local de Galicia e os Artigos 15 e 20 da Lei 39/1998, de 28 de decembro, reguladora das Facendas Locais, a Corporación aprobou esta Ordenanza:

### **CAPÍTULO I DISPOSICIÓNS XERAIS**

#### **Artigo 1.- Obxecto**

1.- É obxecto da presente Ordenanza, a regulación da concesión e renovación das licencias administrativas para a tenencia de calquera animal clasificado como potencialmente perigoso, aos que se refire o Decreto 90/2002, de 28 de febreiro, polo que se regula a Tenencia de Animais Potencialmente Perigosos na Comunidade Autónoma de Galicia, así como a regulación do Rexistro Municipal de Animais Potencialmente Perigosos e a inscrición no rexistro municipal de Animais de Compañía e das Taxas pola concesión e renovación das Licencias e Inscricións indicadas.

2.- Quedan excluídos da aplicación da presente Ordenanza os cans e animais pertencentes ás Forzas Armadas, Forzas e Corpos de Seguridade do Estado, Corpos da Policía das Comunidades Autónomas, Policía Local e empresas de seguridade con



autorización oficial.

## **Artigo 2.– Definición de Animal Potencialmente Perigoso**

1.- Se consideran animais potencialmente perigosos, todos os que pertencendo á fauna salvaxe, sendo utilizados como animais domésticos, ou de compañía, con independencia da súa agresividade, pertencen a especies ou razas que teñan capacidade de causar a morte ou lesións ás persoas ou a outros animais e danos a cousas.

2.- En particular terán a cualificación de potencialmente perigosos, os animais domésticos ou de compañía que regulamentariamente se determinen pola Comunidade Autónoma de Galicia, en particular os pertencentes á especie canina definidos no Artigo 2.2 do Decreto 90/2002, de 28 de Febreiro, polo que se regula la Tenencia de Animais Potencialmente Perigosos na Comunidade Autónoma de Galicia e se crean os Rexistros Galegos de Identificación de Animais de Compañía e Potencialmente Perigosos e de Adestradores Caninos, particularmente:

- American Staffordshire Terrier
- Pit Bull Terrier
- Bullmastif
- Doberman
- Dogo Argentino
- Dogo de Burdeos
- Dogo do Tíbet
- Fila brasileiro
- Mastín napolitano
- Presa canario
- Presa mallorquín (Ca de bou)
- Rootwailer
- Staffordshire Bull Terrier
- Tosa Inu
- Akita Inu
- Cruces de primeira xeración destes, cruces destas razas entre si ou cruces destes con outras razas obtendo unha tipoloxía similar a algunha das razas anteriormente descritas.

3.- En todo caso, aqueles cans que manifesten unha marcada agresividade natural ou inducida mediante adestramento, malos tratos ou calquera outro medio. Esta agresividade será apreciada pola autoridade competente, de oficio, ou previa notificación ou denuncia, e despois dun informe dun adestrador ou veterinario designado ao efecto.



## **CAPÍTULO II**

### **DA LICENZA MUNICIPAL**

#### **Artigo 3.- Licenza Municipal**

1.- A tenencia no municipio de animais clasificados como potencialmente perigosos requirirá a obtención, con carácter previo á adquisición do animal, da correspondente Licenza Municipal.

2.- Están obrigados á obtención de Licenza Municipal para a tenencia de animais clasificados como potencialmente perigosos os propietarios ou tecedores dos mesmos incluídos no Padrón de Habitantes, así como os establecementos ou asociacións, con sede neste municipio, que alberguen animais potencialmente perigosos aos que se refire o Decreto 90/2002 de 28 de febreiro da Comunidade Autónoma Galega e se dediquen a súa explotación, cría, comercialización ou adestramento, incluídos os centros de adestramento, criadeiros, centro de recollida, residencia, centros recreativos e establecementos de venda colocados neste municipio.

3.- Os propietarios de animais potencialmente perigosos non aveciñados neste municipio deberán acreditar, cando se encontren residindo temporalmente no mesmo e mentres permaneza o animal no termo municipal, a tenencia da licenza no municipio de orixe.

4.- Nos casos de inscrición de animais como consecuencia de haber efectuado anteriores ataques a persoas, animais ou cousas, no Concello, unha vez coñecida a resolución ou sentenza, de oficio ou a instancia de calquera interesado directo, e previa tramitación de expediente administrativo con audiencia do interesado, requirirá ao propietario mediante resolución da Alcaldía, ao obxecto de que en prazo dun mes proceda á solicitude de licenza, efectuándose en caso contrario a retirada e depósito do animal de conformidade co establecido no artigo 9º desta Ordenanza.

#### **Artigo 4.- Requisitos para a obtención da Licenza**

1 .- Para a obtención da Licenza administrativa con destino á tenencia de calquera animal clasificado como potencialmente perigoso será necesario o cumprimento dos seguintes requisitos:

a) Ser maior de idade e non estar incapacitado para proporcionar os coidados necesarios ó animal.

b) Non ter sido condenado por delitos de homicidio, lesións, torturas contra liberdade ou contra a integridade moral, a liberdade sexual e a saúde pública, de asociación con banda armada ou de narcotráfico, así como non estar privado por resolución xudicial do dereito á tenencia de animais potencialmente perigosos.

c) Non ter sido sancionado por infraccións graves ou moi graves con algunha das sancións accesorias das prevista no apartado 3 do artigo 13 da Lei 50/1999 de 23 de decembro, sobre o réxime xurídico de animais potencialmente perigosos. Non obstante, non será impedimento para a obtención ou, no seu caso, renovación da licenza, ter sido sancionado coa



## CONCELLO DE FOZ (LUGO)

Avd. Álvaro Cunqueiro, 24 27780 Foz (Lugo)

Tlf: 982.14 00 27 Fax: 982.14 16 00

suspensión temporal da mesma, sempre que, no momento da solicitude, a sanción de suspensión anteriormente imposta fora cumprida integramente.

d) Dispoñer de certificado de aptitude psicolóxica e de capacidade física para a tenencia de animais potencialmente perigosos.

e) Acreditar a formalización dun seguro de responsabilidade civil por danos a terceiros que poidan causar os seus animais na contía mínima de 125.000 Euros.

2.- Os requisitos esixidos deberán manterse vixentes durante todo o período da tenencia do animal; a perda dos mesmos dará lugar á revisión da Licenza nos termos recollidos no artigo 9º desta Ordenanza.

3.- No caso de que a licenza sexa para animais salvaxes en cativeiro, esixírase ademais do previsto no apartado 1 deste artigo, unha memoria descritiva das instalacións e medidas de seguridade utilizadas para impedir a fuxida dos animais conforme ó artigo 3.4 do Decreto 90/2002.

### **Artigo 5.- Vixencia das licencias**

1.- As licenzas terán unha vixencia de cinco anos, á finalización da que deberán ser obxecto de renovación, debendo acreditarse en cada exercicio, para o seu mantemento:

a) A subscrición do seguro de responsabilidade civil por danos a terceiros.

b) A expedición do certificado de sanidade animal, expedido por autoridade competente, que acredite con periodicidade anual, a situación sanitaria do animal e a inexistencia de enfermidades ou trastornos que o fagan especialmente perigoso.

2.- A condena por calquera dos delitos recollidos ó apartado b) do artigo anterior dará lugar á revisión da licenza polo Concello.

### **Artigo 6.- Acreditación**

1.- A identificación da tenencia da Licenza Municipal de animais potencialmente perigosos acreditarase mediante entrega de certificación relativa á mesma.

2.- Por cada can que se posúa, expedírase unha tarxeta identificativa na que se fará constar os seguintes datos:

a) Nº de Licenza Municipal

b) Código de identificación do can

c) Raza

d) Titular da Licenza e D.N.I.

e) Nº de Rexistro Municipal

No dorso, se farán constar as persoas autorizadas polo titular da Licenza para uso



temporal e transporte do animal.

### **Artigo 7.- Documentación**

1.- Para a expedición da tarxeta identificativa de cada can requirirase a apartación dos seguintes datos:

- a) Datos persoais do propietario: nome, enderezo habitual, teléfono de contacto e D.N.I.
- b) Nome ou razón social e domicilio do vendedor ou cedente
- c) Características do animal que fagan posible a súa identificación: raza (en cruzamento de primeira xeración se especificarán as razas de procedencia), sexo, ano de nacemento, especie, características externas, número de microchip (código identificador do animal) e zona de aplicación de este.
- d) Domicilio habitual do animal
- e) Especificación se está destinado a convivir con seres humanos ou se pola contra, ten dificultades distintas coma a garda, protección ou outra que se indique
- f) Póliza de seguro de responsabilidade civil.
- g) Certificado de aptitude psicolóxica e física nos termos recollidos nos artigos 4 e 5 do RD 287/2002 de 22 de marzo. .
- h) Certificado de penais
- i) Certificado de sanidade animal expedido por autoridade competente, que acredite, con periodicidade anual, a situación sanitaria do animal e a inexistencia de enfermidades ou trastornos que o fagan especialmente perigosos.
- j) Xustificante do abono da Taxa por expedición da Licenza Municipal para a tenencia de animais potencialmente perigosos.
- k) Certificado sanitario de esterilización se se efectuou a mesma.
- l) Memoria descritiva das instalacións e medidas de seguridade utilizadas para impedir a fuxida dos animais conforme o artigo 3.4 do Decreto 90/2002, no seu caso.
- m) Facturas e xustificante da adquisición ou procedencia legal do animal acreditada

Os citados datos e, no seu caso, a documentación oportuna, deberá facilitala o adquirente do animal no prazo de quince días a contar dende a súa tenencia efectiva.

2.- O certificado de sanidade animal deberá ser expedido polos Servizos Sanitarios da Comunidade Autónoma de Galicia ou por un veterinario colexiado.

3.- Para a renovación da Licenza Municipal deberá aportarse a seguinte documentación:

- a) Solicitude de renovación
- b) Copia compulsada da renovación do seguro de responsabilidade civil
- c) Copia compulsada do certificado médico de sanidade animal efectuado



nunha data non anterior a dous meses á da renovación da licenza.

- d) Xustificante do abono da Taxa Municipal
- e) Certificado de capacidade física
- f) Certificado de aptitude psicolóxica.

### **Artigo 8.- Órgano competente para a concesión das Licencias Municipais**

A licenza administrativa de tenencia de animais potencialmente perigosos será outorgada ou renovada, a petición do interesado polo Sr. Alcalde, consonte ao disposto no artigo 3 da Lei 50/99, unha vez verificado o cumprimento dos requisitos establecidos no artigo 4º.

### **Artigo 9.- Revisión, perda de licencias e depósito de animais**

1.- A perda de calquera dos requisitos esixidos no artigo 4º desta Ordenanza así como o incumprimento por terceira vez do establecido no punto 9 do artigo 14 da presente Ordenanza, dará lugar á revisión das licencias municipais concedidas e a súa retirada previa tramitación de expediente contradictorio.

2.- A retirada da licenza dará lugar á perda do dereito á tenencia do animal e a obriga do interesado do proceder, no prazo máximo de dez días a contar dende a recepción do requirimento, a súa entrega e depósito no establecemento adecuado ao efecto ata a obtención da mesma, salvo que o animal sexa obxecto de entrega a outro propietario ou sacrificio nos termos establecidos nos artigos 58, 59 e 60 do Decreto 153/1998 da Comunidade Autónoma de Galicia.

3.- En caso de incumprimento da obriga de depósito procederáse a súa execución subsidiaria polo Concello, ou a Comunidade Autónoma, a través dos seus servizos ou mediante empresa contratada, sendo os gastos que tal actuación levará consigo a cargo e conta do antigo titular da licenza.

4.- O Concello poderá retirar dos espazos públicos e depositar de oficio en establecemento adecuado, sen necesidade de previo requirimento, a aqueles animais potencialmente perigosos nos que se aprecie unha situación de abandono ou perigosidade para os usuarios das vías e espazos de uso común ou circulen por estes sen a debida protección ou control do seu propietario ou tecedor.

5.- Igualmente o Concello poderá retirar e depositar en establecemento adecuado aqueles animais potencialmente perigosos que non dispoñían da correspondente tarxeta de identificación no municipio de orixe ata tanto se acredite tal circunstancia polo titular do mesmo.

6.- A falta de licenza municipal para a tenencia de animais potencialmente perigosos dará lugar a un único requirimento municipal para a súa obtención no prazo de dez días e á retirada e depósito dos animais, nos termos establecidos neste artigo.



### CAPÍTULO III

#### DO REXISTRO MUNICIPAL DE ANIMAIS POTENCIALMENTE PERIGOSOS

##### **Artigo 10.- Rexistro Municipal de Animais Potencialmente Perigosos**

1.- Créase o Rexistro Municipal de Animais Potencialmente Perigosos, no que se fará constar con carácter obrigatorio de acordo con Decreto 90/2002, de 28 de febreiro, da Comunidade Autónoma de Galicia, a seguinte documentación:

- a) Código identificador do animal e zona de aplicación
- b) Especie, sexo e raza. En cruzamento de primeira xeración se especificará as razas de procedencia.
- c) Descrición da capa.
- d) Data de nacemento do animal e dirección habitual do mesmo, e nome se fora o caso
- e) Outros signos identificatorios non definitivos (tales como unha tatuaxe ou un número de chapa se o animal foi censado nun censo municipal anteriormente).
- f) Especificación de se o animal está destinado a convivir con seres humanos ou se teñen finalidades distintas como a garda, defensa ou outra que se indique.
- g) Nome e apelidos, D.N.I., dirección e teléfono de contacto do propietario do animal.
- h) Nome, dirección, número de colexiado e número de veterinario colaborador que realiza a marcaxe.
- i) Data na que se realiza a implantación da identificación e a entrega do documento ó propietario.
- j) Data de alta no rexistro.
- k) Certificado sanitario, expedido por un veterinario, que acredite con periodicidade anual, a situación sanitaria do animal e a inexistencia de enfermidades ou síntomas que poidan facer potencialmente perigoso, así como unha certificación de que o animal carece de lesións ou cicatrices que puideran estar relacionadas coa utilización do animal en pelexas ou outras actividades prohibidas.
- l) Cartilla sanitaria actualizada nos tratamentos preceptivos e preventivos propios da especie e idade. Na cartilla sanitaria figurará a catalogación de animal potencialmente perigoso.
- m) Copia da licenza municipal de tenencia de animais potencialmente perigosos, a nome do propietario. Acompañarase de copia da póliza que xustifique ter formalizado o seguro de responsabilidade civil.
- n) Datos do centro de adestramento, se fora o caso.
- o) Incidentes de agresión, se fora o caso.

2.- Os propietarios dos animais serán os responsables de identificar os animais e de sufragar os gastos que isto ocasione, independentemente do lugar de residencia de ditas persoas. A identificación definitiva suporá un requisito previo e obrigatorio para realizar calquera transacción do animal.



3.- O rexistro municipal é un rexistro de carácter público, ó que terán acceso as Administracións Públicas e autoridades competentes, así como aquelas persoas físicas ou xurídicas que acrediten ter interese lexítimo no coñecemento dos datos obrantes no mesmo. A estes efectos considerarase, en todo caso, interese lexítimo o que ostenta calquera persoa física ou xurídica que desexe adquirir un animal destas características, así como aquelas que sufriran calquera tipo de agresión polo animal e desexen exercer as accións correspondentes en calquera vía xurisdiccional, para o que deberán acreditar previamente a interposición da correspondente denuncia.

4.- En todo caso, o uso e tratamento dos datos contidos no Rexistro será de acordo co disposto na Lei Orgánica 15/1999, de Protección de Datos Personais.

### **Artigo 11.- Inscripción no Rexistro**

1.- A inscrición no Rexistro de Animais Potencialmente Perigosos efectuarase a instancias do interesado ou, no seu caso, de oficio polo Concello trala concesión da Licenza Municipal regulada no artigo 3º da presente Ordenanza.

2.- Non obstante, será igualmente obrigatoria a instancia do interesado, a inscrición no rexistro municipal, en sección aberta ao efecto, cando se efectúe o traslado dun animal potencialmente perigoso a este municipio, sexa con carácter permanente ou por período superior a tres meses, debendo proceder á inscrición no prazo máximo de dez días a contar dende o inicio da residencia no municipio.

3.- Estimarase que se efectuou un traslado de animal potencialmente perigoso, salvo acreditación expresa en contrario polo interesado, nos casos de cambio de residencia do titular do mesmo en caso do cal será preciso a acreditación da obtención da licenza no municipio de orixe anterior, procedendo a renovación da licenza nos casos previstos na presente Ordenanza.

4.- Das inscricións que se efectúen no Rexistro municipal de animais potencialmente perigosos darase traslado o órgano correspondente da Comunidade Autónoma de Galicia.

5.- Igualmente nos casos de cambio de residencia dende o municipio sen prexuízo da obriga do interesado de dar conta do traslado do animal, notificárase ao Concello do municipio de nova residencia a titularidade por parte do interesado dun animal potencialmente perigoso.

### **Artigo 12.- Baixa no Rexistro Municipal de Animais Potencialmente Perigosos**

1.- A baixa no Rexistro Municipal de Animais Potencialmente Perigosos efectuarase a instancia do interesado, previa acreditación da venda, traspaso, cesión ou morte do animal.

2.- Igualmente procederase á baixa no Rexistro no caso de traslado da residencia do titular do animal a municipio distinto, salvo que o animal permaneza no Concello, e así quede acreditado xa sexa a instancia do interesado ou de oficio polo Concello.

3.- Farase figurar no Rexistro como de titularidade municipal aqueles animais depositados nas súas instalacións como consecuencia de recollida dos mesmos da vía pública ou por perda da licenza do seu anterior titular.





## **CAPÍTULO IV**

### **REXISTRO MUNICIPAL DE ANIMAIS DE COMPAÑÍA**

#### **Artigo 13.- Obriga de inscrición**

1.- En cumprimento do disposto no artigo 27 do Decreto 153/1998, de 2 de abril, polo que se aproba o Regulamento que desenvolve a Lei 1/1993, de 13 de abril, de protección de animais domésticos e salvaxes en cativeiro, créase o Rexistro ou Censo Municipal de animais de compañía, no que obrigatoriamente deberán inscribirse os animais de especie canina, así como aquelas outras especies que nun futuro determine a autoridade competente na materia que, sendo o seu propietario, posuidor ou persoa que asuma a súa responsabilidade sexa veciño deste Concello, moren no mesmo.

2.- Unha vez realizada a inscrición no rexistro, facilitarase ao solicitante unha tarxeta identificativa acreditativa da mesma, na que deberán consta-los seguintes datos:

- Nome e D.N.I. do propietario
- Código de identificación do can, raza e número de censo

3.- Exclúense da obrigatoriedade de inscrición neste Rexistro a aqueles animais potencialmente perigosos, que consonte o establecido no Decreto 90/2002, de 28 de febreiro, deban ser obxecto de inscrición no Rexistro Municipal de Animais potencialmente perigosos.

#### **Artigo 14.- Contido do Rexistro**

O rexistro será xestionado directamente polo Concello e terá o seguinte contido:

1. Datos identificativos do animal:

- Especie, sexo, data de nacemento ou adquisición e raza, especificándose as razas de procedencia nos cruzamentos de primeira xeración
- Descrición da capa
- Ubicación habitual do animal
- Outros signos identificatorios non definitivos (nº chapa doutros censos,...)
- Especificación de se o animal está destinado a convivir con seres humanos ou se teñen finalidades distintas como a garda, defensa ou outra que se indique.

2. Datos identificativos do propietario, posuidor ou persoa que asuma a responsabilidade:

-Nome e apelidos, D.N.I., enderezo e teléfono de contacto

-Nome, enderezo e número de Colexiado do veterinario que realiza a identificación e marcaxe do animal e subscribe a correspondente cartilla



sanitaria.

#### **Artigo 15.- Suxeitos obrigados á inscrición**

Están obrigados á inscrición do animal da especie canina neste Rexistro os propietarios e no seu defecto, os posuidores dos citados animais.

#### **Artigo 16.- Documentación a aportar**

Para a inscrición no Rexistro Municipal, o propietario ou posuidor deberá aporta-la seguinte documentación:

- Copia compulsada da cartilla sanitaria
- Copia compulsada do informe suscrito polo veterinario de identificación do animal
- Copia compulsada do D.N.I. do propietario, ou no seu defecto, posuidor do animal
- Declaración xurada de que os datos aportados para a inscrición do animal no Rexistro son certos.

#### **Artigo 17.- Modificación dos datos**

Os propietarios ou posuidores dos animais censados terán a obriga de comunicar por escrito ao Concello calquera modificación que se produza en relación cos datos aportados.

#### **Artigo 18.- Prazos de inscrición**

A inscrición e sucesivas anotacións no Rexistro Municipal de Animais de Especie Canina farase nos seguintes prazos:

- A adquisición dun can sen inscrición ou o nacemento, no prazo de un mes
- A transmisión da propiedade ou posesión, no prazo de quince días
- A morte ou desaparición a efectos de baixa, no prazo de cinco días, concedéndose o mesmo prazo a efectos de rehabilitación no caso de aparición.

#### **Artigo 19.- Información e tratamento**

O Rexistro é público podendo obterse polos interesados certificacións relativas ós datos que figuren no mesmo. Os seus datos xerais só poderán ser facilitados a efectos sanitarios e de confección do censo provincial ó que se refire o artigo 7 da Lei1/1993, sen prexuízo do deber de colaboración coa Administración de Xustiza.

#### **Artigo 20.- Circulación e permanencia do can en vías públicas e locais**

1.- Nas vías públicas e os espazos naturais protexidos os cans irán suxeitos con cadea ou correa.



## CONCELLO DE FOZ (LUGO)

Avd. Álvaro Cunqueiro, 24 27780 Foz (Lugo)

Tlf: 982.14 00 27 Fax: 982.14 16 00

- 2.- Os cans guía poderán circular libremente nos transportes públicos urbanos, sempre que vaian acompañados polo seu dono e cumpran as condicións hixiénicas, sanitarias e de seguridade que prevén as Ordenanzas.
- 3.- Queda expresamente prohibida a entrada ou estancia de animais domésticos en toda clase de locais destinados á fabricación, almacenamento, transporte, venda ou manipulación de alimentos.
- 4.- Prohíbese a circulación ou a estancia de cans e outros animais nas piscinas públicas e locais de espectáculos públicos, deportivos e culturais e nos recintos escolares.
- 5.- Quedan exentos das prohibicións anteriores os cans guía que acompañen a persoas invidentes.
- 6.- Nas praias do municipio prohíbese a circulación e permanencia dos cans durante o período de baño e nos horarios de uso da mesma.
- 7.- Queda prohibido deixar as deposicións fecais dos cans nas vías públicas. Os propietarios de cans son responsables de recoller convenientemente os excrementos e depositalos ou ben en bolsas de Basora domiciliaria, ou ben naqueles lugares que a autoridade municipal destine expresamente a esta finalidade.
- 8.- Queda expresamente prohibido que os cans accedan ás zonas de xogo infantil das prazas e parques do municipio.
- 9.- Prohíbese lavar animais na vía pública e fontes, así como darlles de beber auga amourados ás billas das fontes públicas.
- 10.- Prohíbese incitar ou consentir aos cans ou a calquera tipo de animal a atacarse entre si ou contra persoas ou bens, non adoptando de inmediato as medidas precisas para neutralizar ditas accións.
- 11.- Prohíbese a venda ambulante de animais domésticos
- 12.- Prohíbese dar de comer a animais nas vías e espazos públicos.
- 13.- No caso de que o Concello recolla da vía pública animais abandonados ou extraviados polo seu dono, unha vez coñecido o mesmo será avisado para a súa retirada, debendo abona-los gastos ocasionados pola tramitación e depósito dos mesmos en establecemento debidamente autorizado.
- 14.- Conforme ó establecido no Artigo 112 apartado 5 do Decreto 90/2002, de 28 de febreiro da Comunidade Autónoma de Galicia, os cans catalogados como potencialmente perigosos terán que circular polas vías públicas e en lugares e espazos de uso público en xeral, atados con cadea ou correa non extensible de lonxitude non superior a dous metros, provistos da correspondente buceira homologada e adecuada para a súa raza, e en ningún caso, poderán ser conducidos por un menos de 16 anos.

## **CAPÍTULO V** **INFRACCIÓNS E SANCIÓN**

### **Artigo 21.- Infraccións**

- 1.- As infraccións que se cometan contra o disposto nesta Ordenanza clasifícanse en moi graves, graves e leves.



## CONCELLO DE FOZ (LUGO)

Avd. Álvaro Cunqueiro, 24 27780 Foz (Lugo)

Tlf: 982.14 00 27 Fax: 982.14 16 00

2.- Terán a consideración de infraccións administrativas moi graves, as previstas no Artigo 13.1 da Lei 50/1999, de 23 de decembro, do Estado, así como as establecidas no Artigo 21 da Lei 1/1993, de 13 de abril, da Comunidade Autónoma de Galicia.

3.- Terán a consideración de infraccións administrativas graves, as previstas no Artigo 13.2 da Lei 50/1999, de 23 de decembro, do Estado, así como as establecidas no Artigo 21 da Lei 1/1993, de 13 de abril, da Comunidade Autónoma de Galicia.

4.- Son infraccións administrativas leves o incumprimento de calquera das obrigas establecidas nesta Ordenanza, na Lei 50/1999, de 23 de decembro do Estado e na Lei 1/1993, de 13 de abril, da Comunidade Autónoma de Galicia non comprendidas nos parágrafos anteriores e competencia da cal corresponda ao Concello, conforme ao previsto no Artigo 20.3 a) do Decreto 90/2002, de 28 de febreiro, da Comunidade Autónoma de Galicia, e en particular os seguintes:

- a) A non presentación no prazo requirido da documentación complementaria esixida no artigo 6.2 desta Ordenanza.
- b) A non renovación no prazo dun mes da licenza concedida para a tenencia de animais potencialmente perigosos.
- c) A non presentación cando lle sexa requirida da licenza do municipio de orixe de animais potencialmente perigosos polos propietarios non aveciñados neste municipio.

### **Artigo 22.- Sancións**

1 .- As infraccións tipificadas no artigo anterior serán sancionadas con multas a contía da cal será a fixada no Artigo 13.5 da Lei 50/1999 do Estado e no Artigo 24 da Lei 1/1993 da Comunidade Autónoma de Galicia.

2.- En todo caso, as infraccións graves e moi graves tipificadas no Artigo anterior desta Ordenanza, poderán levar aparelladas como sancións accesorias a confiscación, comiso, esterilización ou sacrificio dos animais potencialmente perigosos, a clausura do establecemento e a suspensión temporal ou definitiva da licenza para tenencia de animais potencialmente perigosos ou do certificado de capacitación do adestrador.

### **Artigo 23.- Responsables**

Considéranse responsables das infraccións os que por acción ou omisión participaran na comisión das mesmas, ao propietario ou tecedor dos animais, ou no seu caso, ao titular do establecemento, local ou medio de transporte no que se produzan os feitos, e neste último suposto, asemade, o encargado do transporte.

### **Artigo 24.- Procedemento Sancionador**

O procedemento sancionador aplicable rexerá polo establecido na Lei 50/1999, de 23 de decembro así como a Lei 30/92 de 26 de novembro e normas de desenvolvemento.



### **Artigo 25.- Exercicio da Protestade Sancionadora**

1.- Os órganos competentes para sancionar, de acordo cos Artigos 24.2 da Lei 1/1993, de 13 de abril, da Comunidade Autónoma de Galicia serán:

- a) Por infraccións leves, o Alcalde.
- b) Por infraccións graves, o Director Xeral de Conservación da Natureza da Consellería de Medio Ambiente.
- c) Por infraccións moi graves, o Conselleiro de Medio Ambiente.

2.- A incoación e tramitación dos expedientes polas infraccións tipificadas como leves lle corresponde ao Concello.

Non obstante, o Alcalde poñerá en coñecemento de xeito fidedigno, do Director Xeral de Conservación da Natureza da Consellería de Medio Ambiente, toda acción ou omisión que poida ser tipificable como infracción grave ou moi grave.

3.- Cando as circunstancias de perigo así o aconsellen, o Alcalde poderá proceder á retirada ou custodia dun animal potencialmente perigoso, a cargo do propietario, como medida de carácter provisional durante a tramitación dun expediente sancionador.

## **CAPÍTULO VI**

### **DA TAXA POR EXPEDICIÓN DE LICENCIA, RENOVACIÓN, INSCRICIÓN REXISTRALES E AS SÚAS MODIFICACIÓNS E CANCELACIÓN**

#### **Artigo 26.- Obxecto**

De conformidade co disposto nos Artigos 15 ao 19 en relación co artigo 20 da Lei 39/88, de 28 de decembro, do Estado, Reguladora das Facendas Locais, establécese a Taxa por prestación de servizos especiais de expedición de Licenza, as súas renovacións, inscricións rexistrais e as súas modificacións e cancelacións.

#### **Artigo 27.- Feito imponible**

O feito imponible da Taxa é a actividade municipal conducente á verificación do cumprimento das condicións reguladas nesta Ordenanza para a concesión da licenza indicada, a actividade de control que se efectuará nas renovacións que da mesma deban verificarse, a tramitación, control e custodia que de ela se establece e aqueles outros servizos que se recollen nas Tarifas de esta Ordenanza.

#### **Artigo 28.- Suxeito pasivo**

1.- Son suxeitos pasivos da Taxa os propietarios de animais que soliciten a inscrición no rexistro municipal e que están obrigados a súa renovación.

2.- En particular serán suxeitos pasivos os titulares dos establecementos ou asociacións que alberguen animais potencialmente perigosos e se dediquen a súa explotación, cría, comercialización ou adestramento, incluídos os centros de



## CONCELLO DE FOZ (LUGO)

Avd. Álvaro Cunqueiro, 24 27780 Foz (Lugo)

Tlf: 982.14 00 27 Fax: 982.14 16 00

adestramento, criadeiros, centro de recollidas, residencias, centros recreativos e establecementos de venda.

### **Artigo 29.- Responsables**

1.- Responderán solidariamente das obrigas tributarias do suxeito pasivo as persoas físicas e xurídicas a que se refiren os artigos 38.1 e 39 da Lei Xeral Tributaria.

2.- Serán responsables subsidiarios os administradores das sociedades e os síndicos, interventores ou liquidadores de quebras, concursos, sociedade e entidades en xeral, nos supostos e co alcance que sinala o artigo 40 da Lei Xeral Tributaria.

### **Artigo 30.- Devengo**

1.- O devengo da taxa producirase coa solicitude de calquera dos actos aos que se refire o feito imponible.

2.- A non concesión da licenza, cando non sexa debido a incumprimentos formais do suxeito pasivo, dará lugar á devolución das cantidades autoliquidadas.

### **Artigo 31.- Tarifas**

1.- Licenza de Cans Potencialmente Perigosos: 20,00Euros.

2.- Ficha Identificativa individual: 4,00 Euros.

3.- Renovación de Licencias: 10,00 Euros.

4.- Inscripción no Rexistro A.P.P.: 10,00 Euros.

5.- Modificacións Rexistras: 2 ,50 Euros.

6.- Cancelación Rexistral: 5,00 Euros.

7.- Os actos aos que se refiren os epígrafes 1,3,4 e 7, cando se soliciten pasivos a que se refire o número 2 do Artigo 28, terán un recargo do 8% por cento.

### **Artigo 32.- Ingreso da Taxa**

O ingreso da Taxa efectuarase en réxime de autoliquidación e con carácter previo ao acto que o motiva.

### **Artigo 33.- Infraccións e sancións**

En todo o relativo á cualificación de infraccións tributarias, así como das sancións que as mesmas corresponden en cada caso, estarase ao disposto nos artigos, 77 e seguintes da Lei Xeral Tributaria.

### **Disposición adicional única**

Quedan excluídos da obriga de obtención de licenza municipal, aqueles exemplares caninos que foran obxecto de adestramento baixo a supervisión directa da ONCE e sexan destinados a guía de persoas invidentes.



## CONCELLO DE FOZ (LUGO)

Avd. Álvaro Cunqueiro, 24 27780 Foz (Lugo)

Tlf: 982.14 00 27 Fax: 982.14 16 00

### Disposición final

A presente Ordenanza entrará en vigor coa súa publicación íntegra no Boletín Oficial da Provincia e comezará a aplicarse unha vez transcorrido o prazo establecido no artigo 65.2 da Lei 7/85 de 2 de abril, continuando en vigor ata a súa derogación ou modificación expresas.

Foz, a 25 de Outubro de 2.002

O Alcalde  
José María García Rivera

Entrada en vigor: 15/03/2003